

**TULAFONO TAU FAAOFI O LE FAATATAUINA
O TUPE FAAOPOOPO (Nu.1) 2021/2022**

SAMOA

Faamatalaga e Faamalamalama ai

1.0 Sini ma mafuaaga:

O le Tulafono Tau Faaofi o lo o aofia ai le Faatatauina o Tupe Faaopoopo Muamua mo le Tausaga Faaletupe 2021/2022 e faaiuina i le aso 30 Iuni 2022.

Fuaiupu:

- Fuaiupu 1:** - ua tuuina atu ai le igoa puupuu ma le aso e amata faamamaluina ai le Tulafono Tau Faaofi.
- Fuaiupu 2:** - ua aiaia ai mo le faamatuu atu ma le faatatauina o le **\$10,349,971** mai le Faaputugatupe a le Matagaluega o Tupe mo galuega faatino ma galuega faatino laiti e tuuina atu e Matagaluega taitasi, galuega faatino e tuuina atu e isi vaega ma galuega e avea ai ma sui o le Malo e pei ona faatulaga mai i totonu o le Faamatalaga Muamua.
- Fuaiupu 3:** - ua faatagaina ai le faaitiitiga o aofaiga e **\$4,671,359** na uluai faatatauina mo Matagaluega maoti e pei ona faatulaga mai i totonu o le Faamatalaga Lona Lua ma toe faasoasoa atu o ia tupe i le faiga ua faatulaga atu i le Faamatalaga Muamua.

Faamatalaga Muamua: - ua aiaia ai aofaiga ua faatagaina ina ia faaaogā aofaiga o tupe i lalo o le fuaiupu 2 e pei ona faatatauina i galuega faatino ma galuega faatino laiti e tuuina atu e matagaluega taitasi, galuega faatino e tuuina atu e isi vaega, ma galuega e avea ai ma sui o le Malo, e aofia ai faaopoopoga i tupe na uluai faatatauina e tusa ai ma le fuaiupu 3.

Faamatalaga Lua: - ua aiaia ai aofaiga na uluai faatatauina o galuega faatino ma galuega faatino laiti lea ua faapea ona faaitiitia faatasi ai ma aofaiga na uluai faatatauina o galuega faatino ma galuega faatino laiti lea ua faapea ona toe faasoasoina atu e tusa ai ma le fuaiupu 3.

.....

(Hon MULIPOLA Anarosa Ale Molio'o)

MINISITA O TUPE